

又由...

...

...

...

...

...

...

...

...

...

...

...

...

史拾遺聞

孔林卮述

明西陵

吳弘基集

沈一中訂

左傳記孔子卒而不記其生。公羊記孔子生魯魯襄公二十一年十一月庚子。穀梁以爲生十二月二十二庚子。與公羊差一月。五行書謂孔子生庚戌年二月二十三。庚子曰。甲申時。考庚戌乃魯襄公二十二年。周靈王二十一年。與公穀年月俱差。如公穀則孔

左傳書孔子壬戌歲夏四月己丑卒杜預注歲四月無己丑有乙丑

子乃生己酉。非庚戌也。故劉氏外紀謂孔子年七十
四終。與它書生庚戌。終壬戌。七十三之說異。從公穀
也。信五行書。固不若信公穀。然公羊言十一月庚子。
而杜預長曆。魯襄公二十一年。庚戌歲十一月無庚
子。故孔氏家譜。祖庭廣記。俱云魯襄公二十二年十
月二十七日庚子孔子生。與公穀五行書俱差。不知
又何所本乎。或謂周建子。魯襄十月庚寅。正八月。以
改朔不改月之說推之。又不然。

捷不己
所以為貪

何棠曰即
卿乘車我
戴笠之意

哀公問於孔子。請問取人之法。孔子對曰。事任於官。無取捷。捷無取。鉗鉗無取。享享捷。捷貪也。鉗鉗亂也。享享誕也。故方調而後求勁焉。馬服而後求良馬士。必慤而後求智能焉。不慤而多能。譬之豺狼。不可適。孔子曰。吾有所耻。有所鄙。有所殆。夫幼而不能強學。老而無以教。吾耻之。去其鄉事君而達。卒遇故人。曾無舊言。吾鄙之。與小人處而不能親賢。吾殆之。子路問於孔子曰。有人於此。披褐而懷玉。何如。子曰。

國無道。隱之可也。國有道。則袞冕而執玉。
孔子讀史至楚復陳。喟然嘆曰。賢哉楚王。輕千乘之
國。而重一言之信。匪申叔之信。不能達其義。匪莊王
之賢。不能受其訓。

陳夏徵舒殺其君。楚莊王討之。因縣陳而取之。申
叔時諫。楚莊王從之。還復陳。

孔子謂子路曰。見長者而不盡其辭。雖有風雨。吾不
能入其門矣。故君子以其所能教人。小人反是。

此正月六章之詞也

攻。攻致也。龐充實。一作檀寵義。味反淺。

孔子讀詩於正月六章。惕然如懼。曰：彼不達之君子，豈不殆哉！從上依世，則道廢；遠上離俗，則自危。時不興善，已獨繇之，則曰非我即妄也。故賢者既不過天，恐不終其命焉。桀殺龍逢，紂殺比干，皆是類也。詩曰：謂天蓋高，不敢不局；謂地蓋厚，不敢不跼。

孔子曰：巧而好度，必攻；勇而好問，必勝；智而好謀，必成；以愚者反之，是以非其人，告之弗聽；非其地，樹之弗生；得其人，如聚砂而雨之；非其人，如會顰而鼓之。

夫處重擅龐專事妬賢愚者之情也。位高則危。任重則崩。可立而待也。

子路初見孔子曰。女何好樂。對曰好長劍。孔子曰。吾非此之問也。徒謂以子折劍而加之以學問。豈可及乎。子路曰。學豈有益也哉。孔子曰。為人君而無諫臣。則失正。士而無教友。則失聽。銜在馬。不釋策。操子不反。藥木受繩。則直。人受諫。則聖。受學重問。孰不順成。毀仁惡士。必近於刑。君子不可不學。子路曰。南山有。

竹。不。操。自。直。斬。而。用。之。達。於。犀。革。以。此。言。之。何。學。之。
有。孔。子。曰。括。而。羽。之。鏃。而。礪。之。其。入。之。不。亦。深。乎。子。
路。再。拜。曰。敬。受。教。

孔。子。謂。宰。予。曰。違。山。十。里。螻。蛄。之。聲。猶。在。於。耳。故。政。
事。莫。如。應。之。

去。山。十。里。猶。聞。其。聲。似。其。鳴。之。不。已。也。言。政。事。須。
慎。聽。之。然。後。行。之。也。

孔。子。使。子。貢。久。而。不。至。謂。弟。子。占。之。遇。鼎。皆。曰。折。足。

賜不來。顏淵掩口而笑。子曰：「回也，哂謂賜來也，無足來。舟而子貢朝至。」

孔子適齊，過泰山之側，有婦人哭於野者。而哀，夫子式而聽之，曰：「此哀一似重有憂者。」使子貢往問之，而曰：「昔舅死於虎，吾夫又死焉，今吾子又死焉。」子貢曰：「何不去乎？」婦人曰：「無苛政。」子貢以告孔子，孔子曰：「小國識之，苛政猛於暴虎。」

齊陳恒弒其簡公，孔子聞之，三日沐浴而適朝，告於

何棠曰此語是短長家所祖

哀公曰陳恒弑其君請伐之公弗許三請公曰魯爲齊弱久矣子之伐也將若之何對曰臣弑其君民之不與者半以魯之衆加齊之半可克也公曰子告季氏孔子辭退而告人曰以吾從大夫之後不敢不告也

樊遲問於孔子曰鮑牽事齊君執政不撓可謂忠矣而君削之其爲至闇乎孔子曰古之士者國有道則盡忠以輔之國無道則退身以避之今鮑莊子食於

何崇曰。句。
風雅。自是。
左氏筆。

春秋傳

卷之五

五

淫亂之朝。不量主之明暗。以受大刑。是智之不如蔡。
葵猶能衛其足。

公父文伯卒。其妻姜皆行哭失聲。敬姜戒之曰。吾聞
好外者。士死之。好內者。女死之。今吾子早夭。吾惡其
以好內聞也。二三婦人之欲供先祀。請無瘠色。無揮
涕。無拊膺。無哀容。無加服。有降服。從禮而靜。是昭吾
子也。孔子聞之曰。女智無若婦。男智莫若夫。公父氏
之婦智矣。剖情損禮。欲以明其為令德也。

干音寒

子貢問曰。昔黃帝四面信乎。孔子曰。黃帝取合已者
四人。使治四方。不計而耦。不約而成。此之謂四面也。
荆有飲非者。得寶劍於干。隊反。渡江中流。兩蛟俠繞
其船。飲非謂柁船者。嘗有如此而得活者乎。對曰。未
嘗見也。於是飲非攘臂拔劍曰。武士可以仁義說也。
不可劫而奪也。此江之腐肉朽骨棄劍而已。余奚有
焉。赴江刺蛟。遂斷其頭。風波畢除。荆爵爲執圭。孔子
聞之曰。夫善除腐肉朽骨棄劍者。飲非之謂乎。

子曰誦詩讀書與古人居讀書誦詩與古人期。

孔子御坐於魯哀公。公賜之桃與黍。子先飯黍而後食桃。左右掩口而笑。公曰黍非飯也。以雪桃也。子曰丘知之。然黍者五穀之長。先王以爲上盛。果蓏有六。桃爲下。宗廟不以祭。丘聞之也。以賤雪。貴不聞貴雪。賤今以五穀之長。雪果蓏之下。是從上雪下也。丘爲妨義。故不敢。

孔子行。聞有哭聲。甚哀。子曰驅驅前有賢者。至則臯

記。孔子三朝

魚也。被褐擁鎌。哭於道傍。子辟車與之言曰。子非有
喪。何哭之悲也。臯魚曰。吾失之三矣。少而好學。周流
諸侯。以歿吾親。失之一也。高尚吾志。簡於事君。失之
二也。與交友厚。中而絕之。失之三也。木欲靜而風不
止。子欲養而親不逮。往而不可返者。年也。逝而不可
追者。親也。吾請從此辭矣。立槨而死。孔子曰。弟子識
之。於是門人辭歸。而養親者十有三人。
子曰。蚩尤。庶人之貧者。非天子也。

孔子讀易。常編三絕。鐵撻三折。漆書三滅。序彖繫彖。說卦爻言曰。假我數年。若是我於易則彬彬矣。

東郭子思問於子貢曰。夫子之門何其雜也。子貢曰。夫槩枳之旁。多枉木。良醫之門。多疾人。砥礪之旁。多頑鈍。夫子聞之曰。修道以俟天下。來者不止。是以雜也。

孔子將行。無蓋。弟子曰。子夏有之。可以行。孔子曰。商之爲人。短於財。吾聞與人交者。推其長。遠其短。故能

長久矣。

仲尼曰。吾聞堯舜遊首山。觀河渚。乃有五老。亦觀河渚。一老曰河圖將來告帝。期二老曰河圖持龜告帝。謀三老曰河圖將來告帝。書四老曰河圖將來告帝。圖五老曰河圖將來告帝。龍銜王包金泥玉檢封。盛書五老飛爲流星上八鼎。

孔子院於陳。弦歌於館中。夜有人長九尺餘。皂衣高冠大屐。聲動左右。子路引出與戰於庭。仆於地。乃大

鯢大計切
鮓也

夷狄部落
白首長

鯢魚也。子曰：吾聞物老則羣，精依之，因衰而至此，其
來也。夫六畜之物及龜蛇魚鼈及草木久者，皆神爲
妖怪，故謂之五首。五首，五行之方，皆有其物，首者老
也。故物老皆爲怪，殺之則已，夫何患焉。

孔子謂曾子曰：君子不以利害義，則耻安從生哉？官
急於官，成病加於少，愈禍生於怠惰。孝哀於妻子，察
此四者，慎終如始。

孔子制作孝經，使七十二子向北辰罄折，使曾子抱

河洛事北向孔簪縹筆。衣絳單衣。向北辰而拜。
孔子母顏氏徵在游大澤之陂。夢黑帝使請已。已往
夢交語曰。汝乳必於空桑之中。覺則若感生丘於空
桑。首類尼丘山。故以爲名。

孔子生之夜。有二蒼龍自天而下。有二神女擎香霧
於空中。以沐徵在。先是有五老列於庭。則五星之精。
有麟吐玉書於闕里人家。云水精之子。繼商周而素
王出。故蒼龍統室。五星降庭。徵在知其爲異。乃以繡

紱繫麟角而去。至敬王末。魯定公二十四年。魯人鉏
商。四於大澤。得麟。以示夫子。夫子知命之終。乃抱而
解紱而涕泗焉。

仲尼牛。脣呼教陳機受度。又仲尼虎。掌是謂威射。胸
應。雉是謂儀古。又仲尼龜。脊。又孔子海口言。若含澤。
又夫子輔喉。

孔子之勁。能拓國門之關。勇復孟諸足蹠。狄鬼不以
力聞。

孔子將死。遺祕書曰。不知何一男子。自稱秦始皇。上我堂。踞我牀。顛倒衣裳。至沙丘而亡。後始皇至魯。觀孔子宅。至沙丘而亡。

魯哀公十一年夏四月己丑。孔子卒。公誄之曰。旻天不弔。不憇遺一老。俾屏余一人以在位。玆玆余在疚。嗚呼哀哉。尼父無自律。

孔子卒。受魯君璜玉。葬郭之北。泗水爲之却流。

鍾離意爲魯相。出私錢付戶曹孔訢。修孔子車。身入

廟拭几席劍履。男子張伯。除堂下草。得壁七枚。懷其
一。以六枚白。意。孔子授教堂下。牀頭懸一甕。召訢問。
訢曰。夫子甕也。背有丹書。意發視之。中有素書曰。後
世修吾書。董仲舒護吾車。拭吾履。發吾笥。鍾離意壁
有七。張伯懷其一。

穆天子傳舊序

欽古文穆天子傳者。太康二年。汲縣民不准盜發古
塚所得書也。皆竹簡。素絲編。以臣最前所考定古尺。
度其簡。長二尺四寸。以墨書。一簡四十字。汲者戰國
時魏地也。案所得紀年。蓋魏惠成王子令王之塚也。
於世本蓋襄王也。案史記六國年表。自令王二十一
年。至秦始皇三十四年。燔書之歲。八十六年。及至太
康二年。初得此書。凡五百七十九年。其書言周穆王

遊行之事。春秋左氏傳曰。穆王欲肆其心。周行於天下。將皆使有車轍馬迹焉。此書所載。則其事也。王好巡守。得盜驪騄耳之乘。造父爲御。以觀四荒。北絕流沙。西登崑崙。見西王母。與太史公記同。汲冢收書。不謹。多毀落殘缺。雖其言不典。皆是古書。頗可觀覽。謹以二尺黃紙寫上。請事平以本簡書及所新寫。並付祕書繕寫。藏之中經。副在三閣。謹序。

史拾廣覽 穆天子傳古文

晉河東郭璞注 明

吳弘基 金堅 全閱

卷之一

孫鑛曰觴
字雅

跡谷中險
阻道

飲天子蠡山之上戊寅天子北征乃絕漳水庚辰至
于口觴天子于磐石之上天子乃奏廣樂載立不舍
言在車上至于鉞山之下癸未雨雪天子獵于鉞山
立不下也之西阿於是得絕鉞山之隊北循虜沱之陽乙酉天

按國語穆王將征犬戎祭公謀父諫不從

疑皆國名

孫鑛曰先字法并利穆王之廢臣

子北升于口天子北征于犬戎犬戎口胡觴天子于當水之陽天子乃樂口賜七萃之士戰庚寅北風雨雪天子以寒之故命王屬休甲午天子西征乃絕蒲之關陞已亥至于焉居鼎知之平辛丑天子西征至于鄆人河宗之子孫鄆栢絮伯古字多从木伯爵絮名且逆天子智之口先豹皮十良馬二十六天子使井利受之癸酉天子舍于漆澤乃西釣于河以觀口智之口甲辰天子獵于滂澤于是得白狐玄貉焉以祭于河宗丙

又曰驚行
 字佳驚犹
 馳
 楊慎曰無
 夷水經注
 作水夷淮
 南子作馮
 遲洛神賦
 作屏翳鄒
 父
 父
 晉音忽即
 笏夾佩左
 右佩

午天子飲于河水之阿天子屬六師之人于鄴邦之
 南滂澤之上戊寅天子西征驚行至于陽紆之山河
 伯無夷之所都居是惟河宗氏河宗伯天遂天子燕
 然之山勞用束帛加璧先白曰天子使鄒父受之癸
 丑天子大朝于燕然之山河水之阿乃命井利梁固
 聿將六師天子命吉日戊午天子大服冕褱帶播
 習夾佩奉璧南面立于寒下魯祝佐之曾重也傳官
 人陳牲全五口具天子授河宗璧河宗伯天受璧西

吳弘基曰
號之呼穆
王穆滿以
名應之謙
詞於此言
謚後世記
事作鍾

向○沉璧于河○再拜稽首○祝沉牛馬豕羊○河宗曰○命于
皇○天子○河伯○號之帝○曰穆○滿○女○當○永○致○用○皆○事○南○向○
再拜河宗又號之帝曰穆滿示女春山之瑤詔女崑
崙口舍四平泉七十乃至於崑崙之丘以觀春山之
瑤賜語晦月終為晦言賜天子受命南向再拜已未
天子大朝于黃之山乃披圖視典用觀天子之瑤器
省河所曰天子之瑤曰河圖玉果璿珠燭銀黃金之
視禮圖膏天子之瑤萬金口瑤百金士之瑤五十金鹿人之

郭璞曰此言無勢禁

駭也

使翼使足句絕佳

獵鑛曰重結一句古而致

詩音止

瑤十金。天子之弓射人步劍。牛馬犀。器千金。天子之馬走千里。勝人猛獸。天子之狗走百里。執虎豹。伯天曰。征鳥使翼。曰。鳥鳶鶴鷄飛八百里。名獸使足。走千里。後猓。野馬走五百里。叩叩距虛走百里。麋。二十里。曰。伯天皆致河典。乃乘渠黃之乘。為天子先。以極西土。乙丑。天子西濟于河。爰有溫谷樂都。河宗氏之所遊居。丙寅。天子屬官效器。乃命正公郊父受勅憲。用伸。八駿之乘。以飲于枝。詩之中積。

楊慎曰。八駿名見於列子而他書所載互有不同。造父善御。穆王封之于趙城。

石之南河。天子之駿。赤驥。盜驪。白義。踰輪。山子。渠黃。華驕。絲耳。狗重工徹。止霍。猓。黃南。來白。天子之御。造父三百。耿脩。芴。及曰。天子是與。出。入。藪。田。獵。釣。弋。天子曰。於戲。予一人不盈于德。而辨於樂。後世亦追數吾過乎。七萃之士。天子曰。後世所望。無失天常。農工既得。男女衣食。百姓珥富。官人執事。故天有肯民。氏響。何謀於樂。何意之忘。與民共利。世以爲常也。天子嘉之。賜以左佩華也。乃再拜頓首。

箋云廣樂史記載趙簡子疾不知人七日而寤曰
我之帝所甚樂與百神遊於鈞天廣樂九奏萬舞
不類三代之樂其聲動心七萃之士萃聚也亦猶
傳有與大夫皆聚集有智力者為王之爪牙也無
夷馮夷山海經云冰夷步劍步光之劍也距虛馬
屬尸子曰距虛不擇地而走山海經云蛩蛩距虛
並言之耳

卷之二

膜音莫

鳥古疇字

鷄音甄一

名梅

鷄音甄一

名梅

鷄音圭

曰伯天曰曰封膜畫于河水之陽以為殷人主丁巳
 天子西南升曰之所主居爰有大木碩草爰有野獸
 可以畋獵戊午曷曰之人居慮獻酒百曰于天子天
 子已飲而行遂宿于昆侖之阿赤水之陽爰有鷄鳥
 之山天子三日舍于鷄鳥之山曰吉日辛酉天子升
 于晨命之丘以觀黃帝之宮黃帝巡遊四海登昆而
 豐曰隆之塋以詔後世癸亥天子具饗齊牲全以饗
 曰昆侖之丘甲子天子北征舍于珠澤以釣于流水

寶音偉

中猶合也

孫鑪曰孫
句既精妙
有摹畫

此段文勢
峭

曰珠澤之藪方三十里爰有翟葦莞蒲茅簣蕙萋乃
 獻白玉口隻口角之一口三可以口沐乃進食口酒
 十口姑剝九口丌味中糜胃而滑因獻食馬三百牛
 羊三千天子口昆侖以守黃帝之宮南司赤水而北
 守春山之寶天子乃口之人口吾黃金之環三五朱
 帶貝飾三十工布之四口吾乃膜拜而受膜音模今
佛舉手加額稱南天子又與之黃牛二六以三十口
謨拜者即此類也人于昆侖丘季夏丁卯天子北升于春山之上以望

王之精華也

四野曰春山是唯天下之高山也。孽木口華畏雪。天

子於是取孽木華之實曰春山之澤。清水出泉溫。和

無風飛鳥百獸之所飲食。先王所謂縣圃。淮南子曰昆侖去地

一萬一千里。上有層城九重。或上倍之。是謂閼風。或

上倍之。是謂玄圃。以次相及。山海經云。明明昆侖。京

圖各一山。但相近耳。又曰實唯帝之平圃也。天子於是得玉策枝斯之英。

曰春山百獸之所聚也。飛鳥之所棲也。爰有口獸食

虎豹如麋而載骨盤口始如齧小頭大鼻爰有赤豹
白虎熊羆豺狼野馬野牛山羊野豕爰有白鳥青鵠

孫鑣曰左
國辭令遠
不逮此

南金指刑
故語其刑
法也

執犬羊食豕鹿曰天子五日觀于春山之上。乃為銘
迹於縣圃之上。以詔後世。壬申天子西征。甲戌至于
赤鳥之人其獻酒千斛于天子。食馬九百。羊牛三千。
繇麥百載。天子使祭父受之。曰赤鳥氏先出自周宗。
大王亶父之始作西土。封其元子吳太伯于東。吳詔
以金。以之刑。賄用周室之璧。封其璧臣長季。綽于春
山之風。妻以元女。詔以玉石之刑。以為周室主。天子
乃賜赤鳥之人。口其墨。乘四黃金。四十鎰。貝帶三十。

朱三百裏。乃乃膜拜而受。曰口山是唯天下之良山也。寶王之所在。嘉穀生之。草木碩美。天子于是取嘉禾以歸。樹于中國。曰天子五日休于口山之下。乃秦廣樂。赤鳥之人。乃好獻女于天子。女聽女列爲璧人。曰赤鳥氏美。人之地也。寶玉之所在也。巳卯。天子北征。趙行口舍。趙猶超騰舍三十里庚辰。濟于泮水。辛巳。入于曹。奴之人戲。觸天子于泮水之上。乃獻食馬九百。牛羊七千。糴米百車。天子使遼國受之。天子乃賜曹奴之

劉辰翁曰
荒遊後度

賈與復名
未年遂不
免贖刑一
法

長肢身如
中國人臂
長三文

人戲口黃金之鹿銀口貝帶四十朱四百襄戲乃膜

拜而受壬午天子北征東還甲申至于黑水西膜之

所謂鴻鷺

西膜沙漠之鄉以言外域人名物與中華不同春秋叔弓敗莒師于濱水穀梁傳曰

狄人謂濱泉失名號以於是降雨七月天子留骨六

師之屬

穆王馬駿而銜良故行報出從衆前天子乃封長肱于黑水之

西河是惟鴻鷺之上以為周室主是曰留骨之邦辛

卯天子北征東還乃循黑水癸巳至于羣玉之山容

口氏之所守曰羣玉田山口知阿平無險四嶽中繩

先王之所謂策府

言然古帝王以為藏書冊之府所謂藏之名山者也

寡草木

而無鳥獸爰有口木西膜之所謂口天子於是取玉

三乘玉器服物於是載王萬隻天子四月休羣王之

山乃命邢侯待攻王者孟秋丁酉天子北征口之人

潛時觴天子于羽陵之上乃獻良馬牛羊天子以其

邢之攻王石也不受其牢伯天曰口氏檻口之後也

天子乃賜之黃金之鑿三六朱三百裹潛時乃膜而

受戊戌天子西征辛丑至于剗閭氏天子乃命剗閭

吳弘基曰
觀此則穆
王亦節愛
之主不可
以役遊概
非之

氏供食六師之人于鐵山之下壬寅天子登于鐵山
乃徹祭器于剖閭之人溫歸乃膜拜而受天子已祭
而行乃遂西征丙午至于鷄韓氏爰有樂野溫和獮
麥之所草犬馬牛羊之所昌寶玉之所口丁未天子
大朝于平衍之中乃命六師之屬休已百天子大饗
正公諸侯王吏七萃之士于平衍之中鷄韓之人無
鳧乃獻良馬百匹用牛三百良犬七千牝牛二百野
馬三百牛羊二千獮麥三百車天子乃賜之黃金銀

疑古上下
字今夷狄
官多複名

苦菜名可
食者

樂四七、貝帶五十、朱三百、裹變口、雕宮、無鳧、上下、乃
膜拜而受。庚戌，天子西征。至于玄池，天子三日休于
玄池之上，乃奏廣樂三日而終，是曰樂池。天子乃樹
之竹，是曰竹林。癸丑，天子乃遂西征，丙辰，至于苦山。
西膜之，所謂茂苑。天子於是休獵，於是食苦。丁巳，天
子西征，己未，宿於黃鼠之山。西口，乃遂西征。癸亥，至
於西王母之邦。

箋云：膜，畫舍廬，俱人名。食馬可以供厨膳，戲國人。

名也。羣玉山西王母所居者。休靖之下。亦見周禮。

卷之三

吉日甲子。天子賓于西王母。西王母如人虎齒蓬髮戴勝善嘯乃執

白圭玄璧以見西王母。好獻錦組百純。口組三百純。

西王母再拜受之。口乙丑。天子觴西王母于瑤池之

上。西王母為天子謠曰。白雲在天山際。自出道里悠

遠。山川間之。將子無死。尚能復來。天子答之曰。子歸

東土。和治諸夏。萬民平均。吾顧見汝。比及三年。將復

鍾惺曰。三
謠亦自與
以作不得
譚元春曰
秀甚無麤
獨氣與在
將子無死

程曰待

民平均

而後求仙

此當責人

不能學道

之故

一作王母

今但彼西

土爰居其

所虎豹為

野為鵲與

慶嘉命不

過我懷帝

有欲可世

以將去

而野。天子遂驅升于弇山。乃紀万跡于弇山之石。而

樹之槐。晉曰。西王母之山。西王母之山還歸。万口世

民作憂。以吟曰。此徂西土。爰居其野。虎豹為羣。於鵲

與處。嘉命不遜。我惟帝天子。大命而不可稱。顧世民

之恩。流涕歔。頌吹笙鼓簧。中心翔翔。世民之子。唯天

之望。丁未。天子飲于温山。口考鳥。已酉。天子飲于滄

水之上。乃發憲命。詔六師之人。口其羽。爰有口數水

澤。爰有陵衍平陸。顧鳥物羽。六師之人。畢至于曠原。

予吹笙鼓
簧中心翔
翔世民之
子惟天之
望

言將獵也。下云北至曠原之野。飛鳥之所解其羽。山
經云。大澤方千里。羣鳥之所生。及所解紀年曰。穆
王北征。行積羽。千。
里。皆謂此野耳。曰。天子三月舍于曠原。曰。天子大

饗。正公諸侯王。勒七萃之士于羽琫之上。乃奏廣樂


曰。六師之人。翔畋于曠原。得獲無疆。鳥獸絕羣。六師

之人。大畋九日。乃駐于羽之口。收皮效物。借車受載。

借。借也。天子於是載羽百車。已亥。天子東歸。六師日起。

庚子。至于口之山。而休。以待六師之人。庚辰。天子東

征。癸未。至于戌口之山。智氏之所處。口智口往。天子



孫鑣曰狀

于戊口之山。勞用白驂二匹。野馬野牛四十。羊七
十。乃獻食馬四百。牛羊三千。曰。智氏口。天子北遊于
緇子之澤。智氏之所處。口。智氏口。天子賜之狗
璫。采黃金之器。二九。貝帶四十。朱丹三百。棗。薑。百
口。乃膜拜而受。乙酉。天子南征。東還。己丑。至于獻水。
乃遂東征。飲而行。乃遂東南。己亥。至于承。纒之山。三
周。若城。關氏。胡氏之所保。天子乃遂東征。南絕沙。衍。
辛丑。天子渴于沙。衍。求飲。未至。七萃之士。高奔戎。刺。

其左驂之頸取其青血以飲天子天子美之乃賜奔
戎佩玉一隻奔戎再拜謁首古稽字天子乃遂南征甲
辰至于積山之遠爰有萁栢曰昌余之人命懷獻酒
于天子天子賜之黃金之罍貝帶朱丹七十裏舒乃
膜拜而受之

箋云效物物謂毛色也詩云九十維物血飲今西
方羗胡刺馬取血飲渴亦愈

卷之四

木禾粟類也長五尋大五圍見山海經
璿瑰音旋
回左傳云
贈我以璿
璿字鎖

庚辰至于涇水濁繇氏之所食辛巳天子東征癸未
至于蘇谷骨飭氏之所衣被乃遂南征東還丙戌至
于長淡重醴氏之西疆丁亥天子升于長淡乃遂東
征庚寅至于重醴氏黑水之阿爰有野麥爰有答董
面膜之所謂木禾重醴氏之所食爰有采石之山重
醴氏之所守曰枚斯璿瑰瑕瑤琅玕玲瓏羌瓊玕琪
徽尾凡好石之器于是出孟秋癸巳天子命重醴氏
共食天子之屬五日丁酉天子升于采石之山於是

取采石焉。天子使重氂之民鑄以成器于黑水之上。
器服物佩好無彊。曰天子一月休。秋癸亥天子觴重
氂之人解箴。乃賜之黃金之罍二。九銀鳥一隻。貝帶
五十。朱七。百裘。箛箭。桂薑。百。綵。綈。雕。官。解箴。乃膜
拜而受。乙丑天子東征。解箴送天子至於長沙之山。
口。隻。天子使栢夭受之。栢夭曰。重氂氏之先。三苗氏
之後。處以黃木。氂銀采口。乃膜拜而受。丙寅天子東
征南還。己巳至於文山。西膜之所謂口觴。天子於文

以有采石
故歸文

茅坤曰筆
勢頗奔軼

山西膜之人乃獻食馬二百牛羊二千糴米千車天子使畢矩受之曰天子三日遊於文山於是取采石壬寅天子飲于文山之下文山之人歸遺乃獻良馬十馬用牛三百守狗九十枋牛二百以行流沙此能行流沙天子之豪馬豪牛豪猶中如索駝天子之豪馬豪牛豪猶虎狗豪羊以三十祭文山又賜之黃金之嬰二九貝帶三十朱三百裘挂薑百尙歸遺乃膜拜而受癸酉天子命駕八駿之采石服黼黻而左綠耳右驂赤龍而左白俄天子主

車造父爲御。園爲右次車之乘。右服渠黃而左踰輪。右盜驪而左。山子栢天。主車參百爲御。奔戎爲右。天子乃遂東南翔行。馳驅千里。至於巨蒐之人。弱奴乃獻白鵠之血。以飲天子。因具牛羊之饘。以洗天子之足。及二乘之人。甲戌。巨蒐之弱奴觴天子于樊留之山。乃獻馬三百。牛羊五千。秋麥千車。膜稷二十車。天子使栢天受之。好獻枝斯之石四十。備館勞纔。秘佩百隻。琅玕四十。饒飴十筐。疑此紵葛之屬天子使造父受

之口乃賜之銀木、纁采、黃金之璽二九、貝帶四十、朱

三百、褭桂、薑百箇、繡奴乃膜拜而受。乙亥，天子南征

陽紆之東尾，乃遂絕蹏晉之谷，已至于纁瑯河之水

北阿。爰有橐漚之口，河伯之孫事皇天子之山，有模

望其葉是食。明后。望音謹。模望木名。后君也。天子嘉之，賜以珮玉

一隻，栢夭再拜稽首。癸丑，天子東征，栢夭送天子至

于鄴人。鄴伯絮觴天子于澡澤之上，酹多之，滹河水

之所南還。曰：天子五日休于澡澤之上，以待六師之

其文理斑
爛文場參
錯而結構
頗嚴密

毛班毛伯
爵之先也

人戊午天子東征顧命栢天歸于丌邦天子曰河宗
正也栢天再拜稽首天子南還升于長松之墜孟冬
壬戌至于雷首犬戎胡觴天子于雷首之阿乃獻食
馬四六天子使孔子受之曰雷水之平寒寡人具犬
馬牛羊爰有黑牛白角爰有黑羊白血癸亥天子南
征升于髡之墜丙寅天子至于鉞山之隊東升于三
道之墜乃宿于二邊命毛班逢固先至于周以待天
之命癸酉天子命駕八駿之乘赤驥之駟造父爲御

南征翔行。逕絕翟道。升于太行。南濟于河。馳驅十里。

遂入于宗周。官人進白鵠之血。以飲天子。以流天子。

之足。造父乃具羊之血。以飲駟馬之衆。一庶辰天子。

大朝于宗周之廟。乃里西土之數。里謂計其道里也。紀年曰穆王西征。

還里天下億有九萬里。曰自宗周灃水以西。至于河宗之邦。陽

于之山三千有四百里。自陽紆西至于西夏氏二千

又五百里。自西夏至于珠余氏。及河首千又五百里。

自河首襄山以西。南至於春山之澤。昆侖之丘七百

劉辰翁曰。
紀年九萬
里。書其全
也。此或紀
一時之迹。

里。自春山以西。至于赤烏氏春山三百里。東北還至
於羣玉之山。截春山以北。自羣玉之山以西。至於西
王母之邦。三千里。口自西王母之邦。北至於曠原之
野。飛鳥之所解其羽。千有九百里。口宗周至于西北
大曠原。萬四千里。乃還。東南復至于陽紆。七千里。還
歸於周。三千里。各行。魚數三萬有五千。吉日甲申。
天子祭於宗周之廟。乙酉。天子口六師之人于洛水
之上。丁亥。天子北濟于河口。羣之隊。以西北升于盟。

門九河之隘乃遂西南仲冬壬辰至鼉山之上乃奏
廣樂三日而終吉日丁酉天子入於南鄭

箋云豪馬豪牛山海經謂鬃馬如馬足四節皆有

毛虎上草謂猛狗蒲疑驛字龍古驥字儀古義字

白鵠血益人炁加漣音寒凍反乳也洗足令肌膚

溫滑粲洩今西有渠搜國疑即此吳弘基

卷之五

寶陵曰天子四日休于獲澤於是射鳥獵獸丁丑天

留昆國見
紀年翟院

姓國也畢
國名言翟

前此寶故
曰歸

外郎湯

子口兩乃至祭父自圃鄭來謁留昆歸玉百枝陵翟

致賂良馬百馬歸畢之寶以詰其成成謂平也俊子

昌胡口東杜見許男於消上祭父以天子命辭曰去

茲羔用玉帛見禮男執蒲璧許男欲崇謙故執羔許男不敢辭還取

束帛加璧口毛公舉幣玉是日也天子飲許男於消

上天子曰朕非許邦而恤百姓口也咎氏晏飲母有

禮天子稱異姓諸侯為百男燕者松會不欲崇禮教許男不敢辭升坐于出

尊禮記曰反玷出尊唯兩君為好所獻反爵玷上出尊蓋此之類也乃用宴樂天子

史合續覽

魯天子傳

下

房：子属

趙

賜許男駿馬十六。許男降再拜空首。乃升平坐。及暮。
天子遣許男歸。癸亥。天子乘鳥舟龍卒。浮於大沼。夏
庚午。天子飲于滹上。乃遣祭父如圃。鄭用。口諸侯。辛
未。天子北還。釣於漸澤。食魚於桑野。丁丑。天子里圃。
田之路。盡規度以為苑圃地而虞守之也。東至于房。西至於口。口南
至于桑野。北盡經林煮口之藪。南北五十口。十虞。東
虞曰兔臺。西虞曰櫟丘。南虞曰口富丘。北虞曰相其。
御虞曰來。十虞所口辰。天子次于軍丘。以田于藪。口

詩云桑者
間之

祭公邑

二詩疑即

昊天有成

命南山有

臺

鳥至者月

甲寅天子作居范宮以觀桑者乃飲于桑中天子命
桑虞出口桑者用禁暴人仲夏甲申天子口所庚寅
天子西遊乃宿于祭壬辰祭公飲天子酒乃歌關天
之詩天子命歌南山有熒乃紹晏樂丁酉天子作臺
以為西居壬寅天子東至於雀梁甲辰浮于滎水乃
奏廣樂季夏庚口休于范宮仲秋丁巳天子射鹿于
林中乃飲於孟氏爰舞白鶴二八還宿于雀梁季秋
辛巳天子司戎于口來虞人次御孟冬鳥至王目口

令雁來也
王臣疑是
婦官

酈鄭邑
疑井公賔
人而隱枋
故穆王就
之而游戲

弋仲冬丁酉天子射獸休於滌藿得麋麇豕鹿四百
有二十得二帀九狼乃祭于先王命庖人熟之戊戌
天子西遊射於中口方落草木鮮命虞人掠林除藪
以為百姓材是日也天子北入于酈與井公博三日
而決辛丑塞戒不如故至於臺乃大暑除天子居于
臺以聽天下之遠方口之數而衆從之是以選物乃
載之神人口之能數也乃左右望之天子樂之命為
口而時口焉口其名曰口公去乘人口猶口有虎在

茅坤曰脩
文諱武兩
字之矣

蒞意犁君

乎葭中。天子將至，七萃之士高奔戎，請生捕帑，必全之。乃生捕帑而獻之。天子命之為柙，而畜之東虞，是為虎牢。天子賜奔戎，改馬十駟，歸之太牢。奔戎再拜，韻首。丙辰，天子北遊于林中，乃大受命而歸。仲秋甲戌，天子東遊，次于雀梁口。蠹書於羽林。謂暴書中蠹蟲，因云蠹書也。季秋，口乃宿于防，畢人告戎，曰：「陵翟來侵。」天子使孟愈音如畢，討戎。霍侯奮告薨，天子臨于軍丘，待于藪。季冬，甲戌，天子東遊，飲于畱祈，射于麗帟，讀書于

率必書之
之意
周禮曰
鼓四面
洪範所
謂鼓
妖也

卷八

卷八

卷八

籥立。口獻酒于天子。乃奏廣樂。天子遺其靈鼓。乃化

為黃蛇。是日。天子鼓道其下而鳴。鼓從失鼓而擊鼓也。鼓在地下鳴。道從

也。韓非曰。道乃楸之桐。以為鼓。則神且鳴。則利於戎

以為琴。則利。皆言樹桐意。桐亦響木也。口于黃澤。東遊于黃澤。宿

于曲洛。廣口使宮樂誼曰。黃之池。其馬歛。沙皇人威

儀。黃之澤。其馬歛。玉皇人受穀。丙辰。天子南遊于黃

口室之丘。以觀夏后啓之所居。乃口于啓室。天子筮

獵羊澤。其卦遇訟。坎下逢公占之曰。訟之繇。殺澤

由音胃父

辭

乾上

駱亭終

蒼蒼其中口宜其正公戎事則從祭祀則嘉畋獵則
獲口飲逢公酒賜之駿馬十六締紵三十篋逢公再
拜稽首賜筮史飲口有陰雨夢神有事是謂重陰天
子乃休日中大寒北風雨雪有凍人天子作詩三章
以哀民曰我徂黃竹口員閔寒帝收九行行道也言
收羅九域
之道嗟我公侯百辟冢卿皇我萬民旦夕勿忘我徂
黃竹口員閔寒帝收九行嗟我公侯百辟冢卿皇我
萬民旦夕勿窮有綏者駱翩翩其飛嗟我公侯口勿

劉辰翁曰其自訟處惜閱不可讀

寔乾音即乾境也傳

案

則遲居樂甚寡不如遲上禮樂其民天子曰余一人

則淫不皇萬民口登乃宿於黃竹天子夢羿射於塗

山祭公占之疎口之口乃宿于曲山壬申天子西升

於曲山口天子西征升北阿南宿於丹黃戊寅天子

西升于陽口過於靈口井公博穆王往反輒從井公博遊明其有道德人

也乃駕鹿以遊於山上為之石函口寔乾乃次于涇

水之陽吉日丁亥天子入於南鄭

箋云按母有禮禮天子稱異姓諸侯為伯舅燕者

私會不欲崇禮敬也。升坐於出尊。禮記曰：反玷出尊，唯兩君為既獻，反爵玷上，出尊。蓋此類也。室首頭至於地。周禮三百室首，舞鶴。今之畜鶴，孔雀馴者，亦能應節鼓舞。吳弘基

卷之六

之虛皇帝之間，乃口先王九觀以詔後世。此復是登
錦萬封建也。殘闕字多不可推考。已乙天子口征舍于道臺辛未紐
道之獸於是白鹿一牯。察逸出走。天子乘渠黃之乘。

形容突圍

曰馬天子立之是曰五鹿官人之口是立口其皮是

曰口皮口其脯是曰口脯天子飲于深水之上官人

膳鹿戲之天子天子美之是曰甘自此以上皆因鹿

之也今元城縣東郭有五鹿墟癸酉天子南祭白鹿

于澤口乃西飲于草中大奏廣樂是曰樂人甲戌天

子西北口姬姓也盛栢之子也天子賜之上姬之長

是曰盛門天子乃為之臺是曰重璧之臺戊寅天子

東征於澤中逢寒疾天子舍於澤中盛姬告病天子

我盛同名

繫上說姬

事公羊傳

曰成者何

盛也者

等之盛

戚同姓者

憐之。□澤曰：寒氏盛姬求飲，天子命人取漿而給，是

孫鑛曰：只

一盛姬病

曰壺輅。天子西至于重璧之臺，盛姬告病。□天子反

死喪葬多

少情文多

之。是曰哀次。天子乃殯盛姬於穀丘之廟。□壬寅天

少體節次

序不繁不

子命哭，啓為主，祭父賓喪。天子王女叔姓為主，天子

簡此真良

史才也。

□賓之命終，喪禮于是殤祀而哭。內史執策，官人□

執策書贈

贈贈之書

丌職。曾祝：敷筵，席設几，盛饋具。肺、鹽、羹、載、脯、棗、醢、醢、醢。

魚、腊、糗、韭、百物，乃陳。腥俎十二，乾豆九十，鬯、敦、壺、尊。

四十，器。曾祝祭食，進肺、鹽、祭酒，乃獻。喪主伊扈，伊扈

接禮維喪

祭皆祭食

史合黃元

魯天子傳

二

示有所先也。

抗舉也。禮

記云。小臣四人抗食也。

錯互也。三

躍三哭而

九躍所謂

成躍者也。

拜受。○祭女又獻女主叔姓。叔姓拜受。祭。○祝報祭。觴大師。乃哭即位。畢哭。內史。○策而哭。曾祝捧饋而哭。御者。○祈而哭。抗者觴夕而哭。佐者承斗而哭。佐者衣衾佩。○而哭。樂。○人陳琵琶。○箏箏箏箏而哭。百。○衆官人各。○其職事以哭。曰士女錯踊九。○乃終喪。主伊邕哭出造舍。父兄宗姓及在位者從之。佐者哭且徹饋及壺鼎俎豆。衆宮人各。○其職皆哭而。出井利。○事後出而收。井利所以獨後出者。典喪祭器物。收款之也。癸卯。

大哭殯紀而載甲辰天子南葬盛姬於樂池之南天
子乃命盛姬口之喪視皇后之葬法亦不拜後於諸
侯河濟之間共事韋穀黃城三邦之事輦喪輦謂稅
輶車炭
三國之衆
以示榮侈七萃之士抗者即車魯祝先喪大匠御棺
日月之旗七星之文鼓鍾以奠龍旗以口鳥以建鼓
獸以建鍾龍以建旗曰喪之先後及哭踊者之間畢
有鍾旗口百物喪器并利典之列於喪行靡有不備
擊鼓以行喪舉旗以勸之擊鍾以止哭彌旗以節之

吏倍刻位也

曰。口祝大哭九而終喪出于門。喪主即位。周室父兄子孫倍之。諸侯屬子王吏倍之。外官王屬七萃之士倍之。姬姓子弟倍之。執職之人倍之。百官衆人倍之。哭者七倍之。踊者三十行。行萃百人。女主即位。嬖人羣女倍之。王臣姬姓之女倍之。宮官人倍之。宮賢庶妾倍之。哭者五倍。踊者次從。曰天子命喪一里而轆鍾止哭。曰匠人哭于車上。曾祝哭於喪。七萃之士哭于喪所。曰小哭錯踊三踊而里五行而次。曰喪三舍

三十里為舍傳曰避

至於哀次。五舍至于重璧之臺。乃休。天子乃周姑繇

之水。以圜喪車。

決水周繞之也。

是曰圜車。曰塋。祀之。孟冬辛

亥。邢侯曹侯來弔。內史將之。以見天子。天子告不豫

而辭焉。邢侯曹侯乃弔。太子太子哭出廟門。以迎邢

侯。再拜勞之。侯不答拜。

譙不敢與太子抗祀。

邢侯謁哭於廟。太

子先哭而入。西向即位。內史賓侯。北向而立。大爰九

邢侯厝踊三而止。太子送邢侯至廟門之外。邢侯遂

出。太子再拜送之。曹侯廟弔。入哭。太子送之。亦如邢

喪三日。停
三日也。

下謂入土

侯之禮。壬子。天子具官。見邢侯。曹侯。天子還。返邢侯。

曹侯執見。拜天子之武。一天子見之。乃遣邢侯。曹侯。

歸于其邦。王宮執禮。共于二侯。如故。曰。天子出。憲以。

或。祔。贈。祔音逆。此以上以說。贈贈事。衣物曰祔。癸丑。大哭。而。口。甲寅。殯。

祀。大。哭。而。行。喪。五。舍。於。大。次。曰。喪。三。日。于。大。次。殯。祀。

如。初。辛。酉。大。成。百。物。皆。備。壬。戌。奠。史。錄。繇。鼓。鍾。以。赤。

下。棺。七。卒。之。士。口。士。女。錯。踊。九。口。喪。下。昧。奠。天。子。使。

廢。人。贈。用。文。錦。朋。衣。九。領。喪。宗。伊。扈。贈。用。變。裳。女。主。

始繇大本也

叔姓贈用首組百襲人官師畢贈并利乃藏藏之報于墓

哭于大次祥祠口祝喪罷哭辭于遠人為盛姬謚曰

哀淵人

蔡人短折曰哀

天子丘人是曰淵人之丘乙丑天子

東征舍于五鹿村姓思哭是曰女姓之丘丁卯天子

東征釣于漯水以祭淵人是曰祭丘己巳天子東征

食馬于漯水之上乃鼓之棘是曰馬主癸酉天子南

征至于蒗臺仲冬甲戌天子西征至于因氏天子乃

釣于河以觀姑繇之木丁丑天子北征戊寅舍于河

囂氏地名
服闋于此

鍾惺曰
清似白頭

上乃至父兄子弟王臣姬曰祥祀畢哭終亡于囂氏
已卯天子西濟於河囂氏之逐庚辰舍於茅尺于是
禋祀除喪始樂素服而歸是曰素氏天子遂西南癸
未至于野王甲申天子北升于大北之陞而降休于
兩柘之下天子永念傷心乃思淵人盛姬于是流涕
七萃之士萑豫上諫于天子曰自古有死有生豈獨
淑人天子不樂出於永思永思有益莫忘其新天子
哀之乃又流涕是日輟已未乙酉天子西絕鉞陞乃

遂西南戊子至于鹽。己丑天子南登于薄山。寘軫之
磴。乃宿於虞。劇庚申天子南征。吉日辛卯天子入於
南鄭。

箋云。啓為主。即下伊扈也。肺鹽。以肺納鹽中。以祭
所謂振祭也。禮以肺見。少牢饋食也。

劉辰翁曰。此亦紀事之書。然其文情簡古。筆力高
妙。秦漢以後。斷不能辨。

陳澧曰。穆天子一書。托想奇逸。何末章忽復雅奏。

使人正不易測。

吳弘基曰。按王玄翰序云。其書紀王與七萃之士。巡行天下。然則徒衛簡而徵求寡矣。非有如秦漢之千騎萬乘。空國而出也。王之自數其過。及七萃之規。未聞以為近也。登羣玉山。命邢侯攻玉。而不受其牢。是先王恤民之志。未嘗不行。至遇雨雪。士皆休。獨王之八駿超騰。以先待輒旬日。然後復發去。是非督令之期。其永成康熙治之餘。百姓晏然。

雖以徐偃王之力行仁義。不足以為偏而控天下。
以知非有暴行虐政。君子猶以王為獲沒于祗宮。
為深幸。足以見人心之危。之如此也。是豈可效哉。
是豈可效哉。存其書者。固可以覽其古。徵其事者。
又安可不攷其是非歟。

穆天子傳終

史拾廣覽

群輔錄

燧人四佐

伏羲六佐

黃帝七輔

少昊四叔

義和四子

八伯

四凶

高陽八凱

高辛八元

舜九官

舜七友

舜五臣

八師

三后

文王四友

周八士

太姒十子

周十亂

五王

晉文五人

三良子

鄭七穆

魯三桓

晉六族

作者七人

四科

孔子四友

仲尼六侍

齊威四臣

戰國四豪

漢高三傑

商山四皓

漢二疎

五龍

二龔

二唐

五侯

二仲

二十八將

三達

八使

常氏三君

楊氏四公

袁氏五公

五處士

六孝廉

三君

八俊

八顧

八及

八廚

三君

二十四賢

三明

三義

八龍

五龍

京兆三休

魏文四友

竹林七賢

吳八絕

中朝八達

河東八裴

琅琊八王

五世盛德

八儒

三墨

群輔錄目終

史拾廣覽

群輔錄目

三

銀光

史拾廣覽 群輔錄

晉 陶 潛 著 明 吳弘基 全閱

明由曉升級級等差政必育受稅俗受賦稅及徭役所宜施為成

按隕丘一作立

博受古諸古諸侯隕丘受延延長嬉興也

右燧人四佐燧人出天四佐出洛出天所生

抄金提一作堤

金提主化俗為民敦鳥明主建福福利視默主災惡

為民除紀通為中職為田主仲起為海陸主平地陽

史拾廣覽 羊甫錄

江海一本
作江湖

侯為江海主江
海事

右伏羲六佐出世

風后受金法金法言能
决理是非天老受天籙籙天
教命五聖受道

級級次知命受紂俗紂
正窺紀受變復有禍變
能補復地典受

力墨或作
力牧

州州終維力墨受準準
凡事斥

右黃帝七輔州選舉翼佐帝德自燧人四佐至七

見論語摘
輔象

輔

重該脩熙

見左傳蔡
墨辭

右少昊四叔實能金木及水使重為勾芒該為蓐
收脩及熙為玄冥世不失職遂濟窮桑

羲仲 羲叔 和仲 和叔

見鄭尚書
註

右羲和四子孔安國云即堯之四岳分掌四岳諸
侯鄭玄云堯既分陰陽為四時命羲仲和仲羲叔
和叔等為之官又主方岳之事是為四岳

伯夷為陽伯

樂舞侏離
歌曰招陽

羲仲之後為羲伯

樂舞瞽
歌曰

南陽

棄為夏伯

樂舞武漫哉歌曰
祈慮一無武字

羲叔之後為羲

史記卷一百一十五

羊甫察

伯

樂舞將陽歌曰未華

咎繇為秋伯

樂舞蔡叔歌曰零落

和仲之後

為

和伯樂舞未詳歌曰歸來

垂為冬伯

樂舞丹鳳一曰齊落歌曰齊樂一曰縵

右八伯自羲和死後分置八伯舜既即位元祀巡

狩每至其方各貢兩伯之樂大傳冬伯後闕一人

鄭玄云此上下有脫辭其說未聞十有五祀後又

百工相和而歌慶雲八伯稽首而進者也

謹

兗

共工

三苗

右四凶

見尚書大傳

蒼舒 隕斂 擣戢 大臨 龍降 庭堅 仲容

叔達

右高陽氏才子八人齊聖廣淵明允篤誠天下之
民謂之八凱

伯奮

仲堪

叔獻

季仲

伯虎

仲熊

叔豹

季狸

右高辛氏才子八人忠肅恭懿宣慈惠和天下之

民謂之八元

從四凶至
此悉見左
傳季文子
辭

禹作司空

棄作稷

契作司徒

咎繇作士

益

作朕虞

垂作共工

伯夷作秩宗

龍作納言

夔作典樂

是尚書

右九官。舜登帝位所選命。

雒陶

方回

續牙

伯陽

東不訾

或云
不識

秦不虛

靈甫

不虛或云
不空

右舜七友。並為歷山雷澤之游。戰國策。顏歆云。堯有九佐。舜有七友。而尸子只載雒陶等六人。不載

靈甫皇甫士安作逸士傳云視其友則雄陶方回
續牙伯陽東不訾秦不空靈甫之徒是為七子與
戰國策相應

禹 稷 契 皋陶 益

右舜五臣已列九官中

禹 稷 契 皋陶 伯夷 垂 益 夔

右八師見楚辭七諫

伯夷 禹 稷

見尚書甫
刑後漢書

吳弘基曰
按能政齊
漫錄云箕
子名胥餘
見司馬彪
注莊子于
它書不見

右三后伯夷降典制民惟刑禹平水土主名山川
稷降播種農殖嘉穀三后成功惟殷于民漢太尉
楊賜曰昔三后成功皋陶不與焉蓋咨之也

微子箕子比干

右殷三仁論語曰微子去之箕子爲之奴比干諫
而死孔子曰殷有三仁焉

伯夷太公

右二老尚書大傳曰太公避紂居東海之濱皆率

其黨曰盍歸乎。吾聞西伯昌善養老。此二人者。蓋
天○下○之○大○老○也。往而歸之。是天下之父歸之也。天
下之父歸之。其子昌往。孔融曰。西伯以二老開王
業。

閑天 太公望 南宮适 散宜生

右文王四友。尚書大傳云。閑天南宮适散宜生三
子。學于太公望。曰。嗟乎。西伯賢君也。四子遂見
西伯於姜里。孔子曰。文王有四臣。丘亦得四友。此

四人則文王四隣也。

伯達 伯适 仲突 仲忽 叔夜 叔夏 季隨

季騶

右周八士。賈逵以為文王時，鄭玄以為成王時也。

伯邑考 武王發 管仲鮮 周公旦 蔡叔度

曹叔振鐸 霍叔武 邠叔處 康叔封 聃季載

右太姒十子。太史公曰：太姒十子，周以宗強。

周公旦 邵公奭 太公望 畢公 毛公 閼公

一本無邠
叔處有毛
叔圉
見史記

太顛 南宮适 散宜生 文母

太妣也

右周十亂其四人已列四友

秦公牙 吳班 孫尤 夫人冉贊 公子縻

右五王並能相焉尸子曰古有五王之相廼謂之玉其貴之也

狐偃 趙衰 顛頡 魏武子 司空季子

右晉文公從亡五人叔向曰三十七年有士五人及晉太尉劉琨詩曰重耳憑五臣

元左傳

史記卷

羊甫采

心

詩見左傳毛

奄息 仲行 鍼虎

右三良子車氏之子秦穆公沒要以從死詩人悼之為賦黃鳥

子展賦草蟲子罕 子西賦黍苗子駟 子產賦隰

桑子國 公孫段賦桑扈子豐 伯有賦鵲之責責

子良孫 子太叔賦野有蔓草子游孫 邱段賦蟋

子耳子 子張子

右鄭七穆謂之七子鄭穆公子十有一人罕駟豐

見左傳

印遊國良七人子孫並有才名世任鄭國之政以
免晉楚之難謂之七穆叔向曰鄭七穆氏其后亡
乎及諸侯為宋之盟鄭伯享趙武于垂隴七卿皆
從文子曰七卿從君以寵武也請皆賦以卒君貺
亦以觀七子之志又吳質書云趙武過鄭七子賦
詩

仲孫穀文伯

獻子莊子孝伯
僖子懿子武伯

叔孫得臣莊叔

穆子
昭子

成子武

季孫行父文子

武子悼子平
子桓子康子

合

羊甫

七

右魯桓公之曾孫世秉魯政號曰三桓孔子曰三

桓之子孫微矣

趙無恤襄子

趙哀始為卿至無恤四世

范吉射昭子

士會始為卿至吉射

五世

智瑤襄子

荀首始為卿至瑤六世

荀寅文子

荀林父始為卿至寅

四世

魏多襄子

魏絳始為卿至多四世

韓不信簡子

韓厥始為卿至

不信四世

見左傳史記

右六族世為晉卿並有功名此六人實弱晉國淳

于越云卒有田常六卿之臣刘向亦曰田常復見

於今六卿必起於漢

儀封人

荷蕢

晨門

楚狂接輿

長沮

桀溺

荷蓀丈人

一作伯夷叔齊虞仲夷
逸朱張柳下惠少連

右作者七人論語曰賢者避世其次避地其次避

人其次避言孔子曰作者七人董威贊詩曰洋々

乎盈耳哉而作者七人

德行

顏淵

閔子騫

冉伯牛

仲弓

見邑氏註

言語

宰我 子貢

政事

冉有 季路

文學

子游 子夏

右四科

吳弘基曰按坦齊通編云顏孟十哲子雖齊聖不

先父食。顏回曾參子也。享于殿上。顏路曾皙父也。貌于廊廡。沒而有知。其歆祀乎。子思師也。而列于下。孟軻門弟子也。而坐于上。亦其可乎。宜別立祀。享廡存名分。

顏回 子貢 子路 子張

右孔子四友。文王有胥附。奔奏先後。禦侮。謂之四隣。孟懿子曰。夫子亦有四隣乎。子曰。吾有四友焉。自吾得回。門人益親。是非胥附乎。自吾得賜。遠方

見孔叢子

之士日至。是非奔奏乎。自吾得師。前有光。後有輝。是非先後乎。自吾得由。惡言不至於門。是非禦侮乎。

顏回 冉仲弓 子路 宰我 子貢 公西華

右六侍。仲尼志意不立。子路侍。儀服不脩。公西華侍。禮不習。子貢侍。辭不辯。宰我侍。亡忽。古今顏回侍。節小物。冉伯牛侍。曰。吾以夫六子自厲也。

檀子 盼子 黔夫 種首

右齊威王疆場四臣。齊威王與魏惠王會田於郊。
魏王問威王曰：王有寶乎？威王曰：無有。魏王曰：若
寡人國雖小，猶有徑寸之珠，照前後車各十二乘。
者十枚，柰何爲萬乘之國而無寶乎？威王曰：寡人
之所以爲寶與王異。吾臣有檀子者，使守南城，則
楚人不敢爲寇，東取泗上十二諸侯皆來朝。吾臣
有盼子者，使守高唐，則魏人不敢東漁於河。吾臣
有黔夫者，使守徐州，則燕人祭北門，趙人祭西門，從

見史記及
春秋後語

史記卷八

君幸金

而從之者七十餘家。吾臣有種首者。使備盜賊。則
道不拾遺。以此為寶。將以照千里。豈直十二乘哉。
魏惠王慙。不懌而去。

齊孟嘗君田文。魏信陵君無忌。趙平原君趙勝。

楚春申君黃歇。

右戰國四豪。

太子少傅留文成侯韓張良。相國鄼文終侯沛蕭。

何。楚王淮陰侯韓信。

見史記

見漢書

右三傑。漢高祖曰：此三人，人之傑也。

園公

姓園，名秉，字宣明，陳留襄邑人。常居園中，故號園公。見陳留志。

綺里季 夏

黃公

姓崔，名廣，字少通，齊人。隱居脩道，號黃公。見崔氏譜。

角里先生

見漢書及高士傳

右商山四皓。當秦之末，俱隱上洛商山。皇甫士安

云：並河內軹人。

太子太傅疎廣字仲翁

宣帝本始四年，魏相為御史大夫，薦廣於霍光。時年六十。

以元康三年告退，年六十七。

太子少傅疎受字公子

廣兄子也。

右二疎。東海人。宣帝時，並為太子師。傅每朝，太傅

見漢書

在前少傳在後朝廷以為榮授太子論語孝經各
以老疾告退時人謂之二疎

重合令子輿

居宋里

櫟陽令子羽

居東觀里

東海太守

子仲

居宜唐里

兗州刺史子明

居西南里

潁陽令子良

居遂

與里

見汝南譜
友先賢傳

右郡決曹掾汝南周燕少卿之五子號曰五龍各
居一里子孫並以儒素退讓為業天下著姓

龔勝字君賓

龔舍字君倩

或曰長倩

漢書

右並楚人皆治清節世號二龔

唐林字子高 唐尊字伯高

右並沛人亦以潔履著名於成哀之世號爲二唐
比楚二龔後皆仕王莽左思曰二唐潔已乃黜乃
污

見漢書

平阿侯王譚 成都侯王商 紅陽侯王章 曲陽

侯王根 高平侯王逢時

右並以元后弟同日受封京師號曰五侯並奢豪

見漢書

富侈招賢下士谷永樓護皆爲賓客時人爲之語
曰谷子雲之筆札樓君卿之唇舌言出其門也張
載詩曰富侈擬五侯

北海逢萌字子康 北海徐房字平原 李曇字子

雲 平原王遵字君公

右皆懷德藏行不仕亂世相與爲友時人號之四
子

求仲 羊仲

元祿康高
士傳

右二人不知何許人。皆治車爲業。挫廉逃名。一作世
將元卿之去兗州。還杜陵。荆棘塞門。舍中有三逕。
不出。惟二人從之游。時人謂之二仲。

太傅高密元侯南陽鄧禹字仲華。大司馬廣平忠
侯南陽吳漢字子顏。左將軍膠東剛侯南陽賈復
字君文。建威大將軍好畤侯扶風耿弇字伯昭。
執金吾雍奴威侯上谷寇恂字子翼。征西大將軍
陽夏節侯潁川馮異字公孫。征南大將軍舞陽壯

侯南陽岑彭字君然 征虜將軍潁陽成侯潁川祭

遵字弟孫 太常靈壽侯侯都邳彤字偉君 東郡

太守東莞成侯鉅鹿耿純字伯山 上谷太守淮陰

侯潁川王霸字元伯 左中郎將朗陵愍侯潁川臧

宮字君翁 驃騎大將軍櫟陽侯馮翊景丹字孫卿

驃騎大將軍參薏蘧侯南陽杜茂字諸公 建義大將

軍鬲侯南陽朱祐字仲先 驃騎將軍慎靖侯南陽

劉隆字元伯 揚武將軍全椒侯南陽馬成字君遷

大司空臯成侯漁陽王梁字君嚴 衛尉安城忠侯
穎川姚期字次兄 左馮翊安平侯漁陽蓋延字巨
卿 捕虜將軍楊虛侯南陽馬武字子張 驍騎將
軍昌城侯鉅鹿劉植字伯先 左將軍阿陵侯南陽
任光字伯卿 豫章太守中水侯東萊李忠字仲都
右將軍槐里侯扶風萬脩字君游 琅邪太守祝阿
侯南陽陳俊字子昭 積弩將軍昆陽威侯穎川傅
俊字子衡 揚化將軍合肥侯穎川堅鐔字子俊

見後漢書

右河北二十八將光武所與定天下張衡東京賦
云受鉞四七共工以除

武威太守梁統字仲寧 金城太守庫鈞字巨公

張掖太守史苞字叔文 酒泉太守竺曾字巨公

燁煌太守辛彤字大房

右河西五守是時更始已爲赤眉所害隗囂密有

異志統等五人共推竇融爲河西大將軍內撫吏

民外禦寇戎東伐隗囂歸心世祖克建功業

見後漢書
爰善文

大鴻臚韋孟達 上黨太守公孫伯達 河陽長魏

仲達

見漢書及
史錄

右扶風平陵人。同時齊名。世號三達。孟達名彪。公
相賢五世孫。明帝時人。

光祿大夫周舉 光祿大夫杜喬 光祿大夫周栩

尚書轅巴 青州刺史馮羨 兗州刺史郭遵 太

尉長史劉班 侍御史張綱

右八使。漢順帝時政在權宦。官以賄成。周舉等議

見張璠漢紀

見京兆舊事

遣八使循行風俗。同日俱發。天下號曰八使。

平輿令韋順字叔文

歷位樂平相。去官。以琴書自娛。不應三公之命。後為平輿令吏。

民立祠社中。

順弟武陽令豹字季明

友人羅陵健為縣丞。卒官。喪柩流離。

豹棄官致喪歸。比辟公府。輒棄去。司徒劉愷尤敬之。

豹弟廣都長義字季節

少好學。不求榮利。四十乃仕。三為令長。皆有惠化。以兄喪去官。比辟公府不就。廣都為立生祠焉。

右清河太守韋文高之三子。皆以學行知名。時人

號韋氏三君。

楊震字伯起

以大常為司徒。遷太尉。

震子秉字叔節

以太常為太尉。

見續漢書

秉子賜字伯獻以光祿勳為公再司徒一大尉賜子彪字文先以大

中大夫為公一司徒一大尉

右楊氏四公弘農華陰人自孝安至獻帝七世父

子以德業相繼為三公

袁安字邵公以太僕為司安子敞字叔平以光祿勳為司

空敞子湯字仲河以太僕為司湯子逢字周陽

以屯騎校尉為司空逢弟隗字次陽以太常為司空太尉

右袁氏四世五公

見續漢書

史合黃覽

詳補錄

十六

續漢書

處士豫章徐穉字孺子 京兆韋著字休明 汝南
袁閎字夏甫 彭城姜肱字伯淮 潁川李曇字子
雲

右太傅汝南陳公時爲尚書令與諸尚書悉召士
也共薦此五人時號五處士

周子居 黃叔度 艾伯堅 郅伯向 封武興
盛孔叔

右汝南六孝廉太守李張選此六人以應歲舉受

見杜元凱
女戒

版未行，偯死。子居等遂駐行喪，偯妻於柩側。下，惟見之，厲以宜行。子居嘆曰：「不有行者，莫宣公不有止者，莫卹居。」於是與伯堅即日辭行，封黃，四人留隨柩車。

大將軍槐里侯扶風平陵竇武字游平

天下忠誠
竇游平

太傅高陽鄉侯汝南平輿陳蕃字仲舉

天下義府
陳仲舉

侍中河間樂成劉淑字仲承

天下德張
劉仲承

右三君

少傳穎川襄城李膺字元禮

天下模楷李元禮

大司空山陽

高平王暢字叔茂

天下英秀王叔茂

太僕穎川陽城杜密

字周甫

天下良輔杜周甫

司隸校尉沛國朱寓字季陵

天下

水凌朱

尚書會稽上虞魏朗字少英

天下忠貞魏少英

季陵

沛國穎陰荀翌字伯條

天下好交荀伯條

大司農博陵安

平劉祐字伯祖

天下稽古劉伯祖

太常蜀郡成都趙典字

仲經

天下才英趙仲經

右八俊

有道太原介休郭泰字林宗

天下和雍郭林宗

太常陳留

圉夏馥字子治

天下慕恃夏子治

尚書令河南鞏尹勲字

伯元

天下英藩尹伯元

河南尹太山平陽羊陟字嗣祖

天下

後漢書無
劉儒有范
嗣祖

議郎東郡陽平劉儒字叔林

天下瑤金劉叔林

冀州刺史陳國項蔡衍字孟喜

天下雅志蔡孟喜

潁川太

守渤海高城巴肅字恭祖

天下眇虎巴恭祖

議郎南陽安

衆宗慈字孝初

天下通儒宗孝初

右八顧

後漢書無
范滂有聖
超卓

孔世元後
漢書云字
元世

御史中丞汝南召陵陳翔字子鱗

海內貴珍
陳子鱗

衛尉

山陽高平張儉字元節

海內忠烈
張元節

太尉掾汝南細

陽范滂字孟博

海內寒謬
范孟博

蒙令山陽高平檀敷字

文有

海內通士
檀文有

洛陽令魯國孔昱字世元

海內木
珍孔世

元

太山太守渤海重合范康字仲真

海內
范仲真

太尉掾南陽棘陽岑暉字公孝

海內珍姪
岑公孝

鎮南將

軍荊州牧武城侯山陽高平劉表字景升

海內所稱
劉景升

右八及

少府東萊曲城王商字伯義

海內賢智

郎中魯國

王伯義後漢書作王

蕃嚮字嘉景

海內脩整

北海相陳留已吾秦周字

童

平王

海內貞良

侍御史太山奉高胡毋班字季皮

後漢書無海內珍奇劉翊有劉胡毋季皮

太尉掾潁川陰劉翊字子相

海內光

儒

冀州刺史東平壽張王考字文祖

海內依怙

陳留

相東平壽張：邈字孟卓

海內嚴恪

荊州刺史山

陽湖陸度尚字博平

海內清明

右皆傾財竭已解釋怨結拯救危急謂之八厨

從三君至此並見三君八俊錄

太丘長潁川陳寔字仲弓寔子大鴻臚紀字元方

紀第司空掾謹字季方

右並以高名號曰三君

太尉河南杜喬字叔榮

狀喬治易尚書禮記春秋晚好老子息居不仕年四十為

郡功曹立朝正色有孔父之風

不常燉煌張奐字然明

狀奐庶方亮真學該

群籍前後七徵十要三為邊將財貨珍寶一無所取

矯王孫裸形宋司馬為石椁幅巾時服無棺而葬焉

侍中河內向詡字南興

狀詡博覽群籍兼好黃老古虛泊然肆志不慕時倫積三

年十
太傅汝南陳蕃字仲舉狀蕃壞偉秀出雅見無倫李諺墳典忠壯蹇諤

又曰明允貞亮與大將軍竇武志
臣社稷機事不密為羣邪所害
太尉沛國施延

字君子狀延清公紫白進士許國臨難不顧名著漢朝
少府潁川李膺字

元禮狀膺承三公之後生高潔之門少履清節
非法不言英聲宣於華夏高名冠於縉紳司

隸沛國朱寓字季陵一名詡右一人訪其中正無識知行狀者告本郡訪問耆老識

寓云桓帝時
太僕潁川杜密字周甫狀密清高雅達名播四海

遭難無後
歷統五郡
大鴻臚潁川韓融字九長狀融聰識知機發於岐嶷

恩惠化民
時人名之曰窮神知化兄弟同居至於沒齒
處卿相之位且二十年奉身守約不墮厥問
司空

史合廣覽
詳南錄
二十

穎川荀爽字慈明

狀爽年十二隨父在公府羣公卿校咸丈人也或遣進奏或親侯從

儒林歸仗

司空清河房植字伯武

狀植少履清苦孝友忠正歷位

冤極篇籍

州郡政成化行既登三事靖恭哀服雖季

聘士彭

文相魯晏嬰在齊清風高節不是過也

城姜肱字伯淮

狀肱稟履玄知立性純固事親至孝五十而慕學綜六藝窮通究微行隆

華夏名

太尉下邳陳球字伯真

狀球清高忠貞孝靈中年欲誅黃門

播四海

常侍以

司空山陽王暢字叔茂

狀暢雅性貞實以禮文身居家在朝

此遇害

節行

徵士陳留申屠蟠字子龍

狀蟠年九歲喪父號泣過於成人未

異倫

嘗見嵩每至父母亡日三日不食在塚側致甘露白

雉以孝稱州郡表其門閭徵聘不就年七十一終於

家

衛尉山陽張儉字元節

狀儉性忠真。閉門孝友。臨官賞罰。清亮絕俗。

大司農北海鄭玄字康成

狀玄舍海岱之純靈。體大雅之洪則。學無常師。講求

道奧。敷宣聖範。錯綜其數。

徵士樂安冉瑒字孟玉

作五經注義。窮理盡性也。

狀瑒體清純之性。蹈高潔之行。前後十五辟。皆不就。

除高唐令。色斯而舉。時陳仲舉李元禮仲弓。皆難其

高。太尉漢中李固字子堅

狀固當順桓之際。號稱名臣。大將軍梁冀惡直

醜正。害其道。桓帝

有道太原郭泰字林宗

狀泰器景弘深。

即位。遂死於讒。

孝友貞固。名布華夏。學冠群儒。州郡禮

益州刺史

命。曾不旋軌。辟司徒。徵有道。並不屈。

南陽朱穆字公叔

狀穆中正嚴恪。有才數明見。初補豐令。政平民和。有處子賤之風。上

文帝令
及甄表狀

書陳損益

辭切情至

忠塞正直之

風播於京師

前後三徵未嘗降志抗名山棲養志

浩然有夷齊之高遽伯玉卷舒之術

定皇甫規字威明

狀規少有岐嶷正直之節對策指
刺黃門梁冀不能用退隱山谷數

樂詩

書

右魏文帝初為丞相魏王所旌表二十四賢後明

帝乃述撰其狀

太常燉煌張奐字然明

為度遼將軍幽并清靜吏民
歌之徵拜大司農賜錢除家

尚書會稽魏朗字少英

狀朗資純美之
高亮幹輔國朝

聘士豫章徐穉字孺子

狀穉妙德高
偉清英起世

度遼將軍安

見續漢書

一人為郎。辭不受。願徙居華陰。故始為弘農人。度遼將軍安定皇甫規字

威明。太尉武威段熲字紀明。

右涼州三。明並著威名於桓靈之世。悉名士也。

韋權字孔衡。權弟璣字孔玉。璣弟矩字孔規。

見三輔決錄

右太尉掾韋子才之三子。皆脩仁義。兄弟孝友。逢盜賊。一人病不能去。兄弟相慕。兵至俱死。時人稱之。號韋三義。

荀儉字伯慈。

漢詩中悅之父。

儉弟純字仲慈。

濟南相。漢光祿大夫。或之。

見張璠
紀及荀氏

父年六

紀弟靖字叔慈

或問汝南許劭請爽孰賢

十太

朗叔慈

內潤靖隱身脩學動必

請弟壽字慈光

舉

以礼

太尉辟不就年五十五

廉年

壽弟汪字孟慈

昆陽令

汪弟爽字慈明

卓

七十

徵為

平原相遷光祿勳司空出自嚴

爽弟肅字敬

數九

十三日遂登台司年六十三

慈

守壽陽令

肅弟專字幼慈

司徒掾

右明陵令穎川荀季和之八子並有德業時人號

之八龍居西豪里渤海宛康知名士也時為穎陰

令羨之曰高陽氏才子八人遂改所居為高陽里

見魏明帝
甄表狀

公沙紹字子起

紹弟孚字允慈

北海耆舊傳稱孚與荀爽共約出不

得事貴勢而與當董卓時脫巾末百日位至司空後相見以爽違約割席而坐

孚弟恪字

允讓

恪弟達字義則

達弟樊字義起

右北海公沙穆之五子並有令名京師號曰公沙

五龍天下無雙穆亦名士也

膠東令盧汜昭字興先

樂城令剛載祈字子陵

潁陰令剛徐晏字孟平

涇令盧夏隱字叔世州

別駕蛇丘劉彬字文曜

一云世州

見濟北英
賢傳

見三輔次
錄

右濟北五龍少並有異才皆稱神童當桓靈之世
時人號為五龍

孝廉杜陵金敞字元休

位至兗州刺史

上計掾長陵第五

巡字文休

與先之子興先名種司空伯魚之孫名士也巡位所至時辟太尉掾

上計

掾杜陵韋端字甫休

位至涼州牧太尉

右同郡齊名時人號之京兆三休並以光武元年

察舉

晉宣帝河南司馬懿字仲達

魏司空潁川陳群字

見晉紀

長文 中領軍譙朱鑠字彥才 侍中濟陰吳質字

季重

右魏文帝四友

魏步兵校尉陳留阮籍字嗣宗 中散大夫譙嵇康

字叔夜 晉司徒河內山濤字巨源 建威參軍沛

劉伶字伯倫 始平太守陳留阮咸字仲容

籍兄子

散騎常侍河內向秀字子期 司徒琅邪王戎字濬

冲

見晉魏書

石魏嘉平中並居河內山陽共為竹林之游世號

竹林七賢

吳範相風

吳人

劉惔占氣

河內人

趙達算

河內人

皇

象書

廣陵人

嚴子卿碁

名昭武衛尉峻從子

宋壽占夢

十不失一

曹丕興畫

為孫權畫屏風誤落筆點素因以為蠅後張御坐權以為真蠅手彈不去方知其非也

孤城鄭姥相

見王粲於童賤謂仕必至師傳後為太子太傅

右吳八絕

見張勳吳蘇

陳留重祖字仲道

琅琊王澄字平子

陳留阮瞻

字千里

一云阮八百即瞻弟字字遙集朗率多通故大將軍王敦云方瞻有減故云八百

穎川庾敳字子高

陳留謝鯤字幼輿

太山胡毋

輔之字彥國

沙門于法龍

樂安光逸字孟祖

右晉中朝八達近世間之故老

裴徽字文秀

魏冀州刺史

裴楷字叔則

徽弟三子晉光祿大夫

裴綽字季舒

楷弟長水校尉

裴瓚字國賓

楷子中書郎

裴邈

字景初

楷孫欽子太傅左司馬

裴遐字叔道

瓚子太傅主簿

裴康

字仲豫

徽弟二子太子左率

裴頠字逸民

楷孫季子晉尚書僕射

王

史記卷八十五 留侯世家

祥字休徵晉太保王戎字濬冲父軍涼州刺史王

澄字平子衍弟裴綽女壻荊州刺史王導字茂弘覽孫裁子敦從弟丞相

王綏字萬子戎子早亡裴康女壻王衍字夷甫父文平北將軍戎從弟太

尉王敦字處仲覽孫基弟二王玄字眉子衍子陳留

史內

右河東八裴琅琊八王聞之於故老

魏司空王昶字文舒昶子汝南太守湛字處冲

湛子東海內史承字安期承子驃騎將軍述字懷

祖述子安北將軍坦之字文度魏尚書僕射杜
幾字伯侯幾子幽州刺史恕字務伯恕子鎮南
將軍預字元凱預子散騎常侍錫字世嘏錫子
光祿大夫乂字弘治

右太原王京兆杜各稱五世盛德聞之於故老夫
書籍所載及故老所傳善惡聞於世者蓋盡於此
矣漢稱田叔孟舒等十人及田橫兩客魯八儒史
並失其名夫操行之難而姓名賢然所以撫卷長

莫不能已已者也

八儒

夫子沒後。散於天下。設於中國。成百氏之源。爲綱紀之儒。居環堵之室。華門圭竇。甕牖繩樞。并日而食。以道自居者。有道之儒。子思氏之所行也。衣冠中動作。順大讓如慢。小讓如僞者。子張氏之所行也。顏氏傳詩爲道。爲諷諫之儒。孟氏傳書爲道。爲踈通致遠之儒。漆雕氏傳禮爲道。爲恭儉莊敬之儒。仲梁氏傳樂

爲道以和陰陽爲遺風易俗之儒樂正氏傳春秋爲
道爲屬辭比事之儒公孫氏傳易爲道爲潔淨精微
之儒

三墨

不累於俗不歸於物不尊於名不恃於衆此宋鉤
文之墨裘褐爲衣跣躋爲服日夜不休以自苦爲極
者相里勤立侯子之墨俱稱經而背讀不同相謂別
墨以堅白此苦獲已齒鄧陵子之墨

羣輔錄終

